

劉涓子鬼遺方

劉涓子鬼遺方卷第一

并序

龔慶宣撰

昔劉涓子晉末於丹陽郊外照射忽見一物高二丈許射而中之如雷電聲若風雨其夜不敢前追詰旦率門徒子弟數人尋蹤至山下見一小兒提罐問何往爲我王被劉涓子所射取水洗瘡而問小兒曰主人是誰人云黃父鬼仍將小兒相隨還來至門聞搗藥之聲比及遙見三人一人開書一人搗藥一人卧尔乃齊唱叫突三人並走遺一卷癰疽方并藥一曰時從宋武北征有彼瘡者以藥塗之即愈論者云聖人所作天必助之以此天授武王也於是用方爲治千無一失婦適余從祖叔涓子寄姊書具叙此事并方一卷方是丹陽白簿紙本寫今手跡尚存從家世能書方我祖家傳孫

道慶與余隣居情款異常臨終見語家有神方兒年幼稚苟
非其太道不虛行尋卷詠候煎藥性欲以相傳屬余既好
方術受而不辭自得此方于今五載所治皆愈可謂天下神
驗劉氏昔旣龔方故草寫多無次第今輒定其前後族類相
從爲此一部流布鄉曲有識之生幸以自防齊永明元年太
歲己卯五月五日撰道慶曰王祖劉氏有此鬼方一部道慶
祖考相承謹按處治萬無一失舅祖洎子兄弟自寫寫稱云
無紙而用丹陽錄永和十九年資財不薄豈復無紙是以此
別之耳

黃父曰夫言癰疽何以別之岐伯荅曰榮衛稽留於經脉之
中久則血澁不行血澁不行則衛氣從之不通壅遏不得行
火不止熱勝熱勝則肉腐爲膿然不能陷膚於骨髓不爲焦
枯五藏不爲傷故曰癰 黃父曰何謂疽岐伯曰熱氣浮盛

當其筋骨良肉無餘故曰疽疽上皮肉以堅上如牛領之皮
癰者薄以澤背其候也 黃父曰及如所說未之癰疽之性
名發起處所訐候形狀治与不治死活之期願一一聞之
歧伯曰癰疽圖曰

赤疽發額不寫十餘日死其五日可刺也其膿赤多血死未
有膿可治人年 二十五 三十一 六十 九十五者
在額不可見血見血者死

禽疽發如軫者數十數其四日腫合牽核痛其狀若蟬十日
可刺其肉發身核寒齒如噤欲痊如是者十五日死

料疽發頂若兩耳下不寫十六日死其六可刺其色黑見膿
而癰者死不可治人年 十九 二十五 三十五

三十九 五十一 五十五 六十一 八十七 九十九
黃神在耳下不可見血見血者死

疔瘡發兩眉此起有所逐惡結血流肉外藥術不通發爲丁
疽三日身腫痛甚口噤如瘞狀十一日可刺不治二十日死
蜂疽發髀背起心膈若連肩骨二十日不治死八日可刺其
色赤黑膿見青者死不可治人年一十八 二十四
三十五 六十七 七十二 九十八者 百神在肩不
可見血見血者死

陰疽發髀若陰股始發腰強內不能自止數飲不能多五日
堅痛不治三歲而死

刺疽發起肺膈不寫二十日死其八日可刺發而赤其上肉
如椒子者死不可治人年 十九 二十五 三十九
三十九 五十七 六十 七十三 八十一 九十七
百神在背不可見血見血者死

脉疽發頸項如痛身隨而熱不欲動悄悄或不能食此有所

大畏恐駭而不精上氣嗽其發引耳不可以腫二十日可刺不刺八十日死

龍疽發背起胃俞若腎俞二十日不寫死九日可刺不刺其上赤下黑若青膿黑死發血膿者不死

首疽發熱八十日一方云八九日大熱汗頭引血盡如嗽身熱同同如沸者皮頗腫淺刺之不刺二十日死

榮疽發背起若兩肘頭二十五日不寫死九日可刺膿多赤白而可治也人年一歲十六二十六三十二四十八五十八六十四八十九十六百神在脅不可見血見血即死

行疽發如腫或後合相從往來不可要其所在刺之即愈勇疽發股起太陰若伏鼠二十五日不寫死其十日可刺勇疽發臆青黑者死白者尚可治不可治人年十一十五

二十 三十一 三十三 四十六 五十九 六十三

七十五 九十一 百神皆在尻尾不可見血見血者死

標疽發背熱同同耳聾後六十日腫如聚水其狀若如此

者可刺之但出水後及有血出即除愈也不可治人年

五十七 六十五 七十三 八十一 九十七者 百神

在背不可見血見血者死

癰疽發足跌若足下三十日不寫死其十二日可刺癰疽者

白膿不太多其瘡上痒赤黑者死不可治人年 十三

二十九 三十五 六十一 七十三 九十三 百神在

足不可見血見血者死

衝疽發小腸痛而振寒熱四日五日悄悄六日而變刺之五

十日死

敷疽發兩指頭若五指頭七八日不寫死其四日可刺其發

而黑擁者不堪未過指節可治

一方不呼為救疽恐是刺宮明堂引為救疽

疥疽發腋下若兩臂兩掌中振寒熱而盛乾者飲多即嘔心煩悄悄六十日而漸合者如此可有汗如無汗者死方云床疽明堂亦引為床疽

筋疽皆發脊兩邊大筋其色蒼八日可刺若有膿在肌腹中十日死

陳乾疽發兩臂三四日痛不可動五十日身熱而赤六十日可刺如刺無血三四日病愈

搔疽發手足五指頭起節其色不變十日之內可刺過時不刺後為蝕有癰在脉腋三歲死

叔疽發身腫牽核而身熱不可以行不可以屈由成膿刺之以除

白疽發脾若肘後痒自痛傷乃身熱多汗五六處有者死心

主癰疽在股脛六日死發膿血六十日死

黑疽發腫居背大骨上八日可刺過時不刺爲骨疽

骨疽膿出不可止壯熱碎骨六十日死脅少陽有癰腫在頸
八日死發膿血者十日死

倉疽發身痒後痛此故傷寒氣入藏篤發爲倉疽九日可刺
之不刺九十日死矣

腰太陽脉有腫交脉屬於陽明在頸十日死發腫七十日死

尻太陽脉有膿腫癰在足心少陽八日死發膿血六十日死
或八十日死

頭陽明脉有腫癰在尻六日死發膿血六十日死

股太陰有腫癰在足太陽十七日死發腫血百日死

肩太陽脉有腫癰在頸八日死發膿血百日死

足少陽脉有腫癰有脅八日死發膿血六百日死

手陽明脉有腫癰在腋淵一歲死發臙三歲死
黑疽發腋淵死

黑疽發耳中如米大此疽不治死

黑疽發肩死黑疽發缺盆中名曰伏疽不治死

赤疽發於脾半夜可治出歲死

黑疽發肘上下不死可治

脾解除指本黑頭赤死

黑疽發掌中不死可治

赤疽發陰股軟可治堅死

赤疽發肥腸死

黑疽發臑臍軟可治堅不可治

赤疽發掌中不可治

黑疽發趺上堅死

足下久腫癰色赤死

癰高而光者不太熱用薄癰其肉平平無異而紫色者不須治但以黃耆并淡竹葉湯申其氣耳癰平而痛用八物黃耆薄大癰七日小癰五日其自有堅強色訖寧生破發背及發乳若熱手近不得者令人之熱熟先服王不留行散外散外摩發背大黃膏若背生破無善在乳者熟之候手按之若隨手起便是熟針法要膿看以意消息之背背不可過一寸針良久不得膿即以食肉膏散差發頭肉癰口中人舐熱氣歇服木瓜散五日後癰欲差者排膿內寒散

凡破癰之後病人便連綿欲死內寒熱腫自有似癰而非者當以手按腫上無所連是風毒耳勿針可服昇麻湯外摩膏破癰口當合沫下三分近一分針唯令極熱便不痛破癰後敗壞不差者作猪蹄湯洗之日再下湯二日故可用冬六七

日湯半劑亦可用。背中斷氣，斷氣者當入闇中，以手按左眼，視右眼見光者，背中結癰，若不見光者，燔疽內發，針傷脉血，不出，住實不寫，留成癰，腎脉來者大，漸小，陰結若肌肉痺癰，癰爲發，寸口如此來大如未漸小矣。

有黑色者是石留黃毒，有赤色者是丹砂毒，有青色者

是硃砂毒，有似鹽顆者是鍾乳毒，有黃水者是杏桃人

毒，有白水者是附子乾薑毒，有膿者熱肉麤等毒，硃砂

發，白雄鴨頂上血一合，已來取黑鉛湯一茶椀調服之，解。

鍾乳發，雄雞肘上血一合，將鐵粉湯一茶椀調服之，解。

附子發，取附子皮三半，豉半升，相和以水一升，煎約一茶

椀服之，解。

丹砂發，取黑鉛黃耆防風伏龍肝各半兩，水一升，煎半茶

椀去滓服之，解。

劉涓子鬼遺方卷第一

劉涓子鬼遺方卷第二

治金瘡止血散方

治金瘡血肉癰蝕散方

治金瘡肉癰蒲黃散方

治金瘡箭肉不出白薇散方

治金瘡中腸出小交散方

治金瘡腸出欲入礞石散方

治金瘡煩悶心煩石膏散方

治金瘡先有散石消石散方

治金瘡痛不可忍當歸散方

治金瘡弓弩所中悶絕琥珀散方

治金瘡弓弩所中筋急弩筋散方

治金瘡內傷蛇銜散方

治金瘡中筋骨續斷散方

治金瘡煩疼麻黃散方

治金瘡煩滿白薇散方

治金瘡去血當歸散方

治金瘡去血多虛從蓉散方

治金瘡內塞澤蘭散方

治金瘡內塞黃耆散方

治金瘡中茛藥藍子散方

治金瘡大渴嬰麥散方

治被打腹中瘀血蒲黃散方

治癰疽金瘡止痛生肉膏方

治癰疽金瘡生肉甘菊膏方

治癰疽金瘡生肉膏方

治金瘡腹內瘀血烏雞湯方

治金瘡內有瘀血未及得下烏雞湯方

治金瘡有瘀血桃核湯方

治金瘡驚悸怔忡心湯方

治金瘡癰疽生肉膏方

治被打有瘀血白馬蹄散方

治金瘡止血散方

烏章根兩三

白芷兩一

鹿茸燒二分

當歸兩一

芎藭兩一

乾地黄燒一分續斷兩一

右七味搗篩令調着血出處即止

治金瘡血肉瘦蝙蝠消血散方

蝙蝠三枚燒令煙盡沫下絹篩之

右以水服方寸匕一日服令盡當下如水血消也

治金瘡肉癰蒲黃散方

七月七日麻勃兩

蒲黃兩

右二物搗篩為散溫酒調服一錢匕日五服夜再兩服

治金瘡箭肉中不出出箭白斂散方

白斂兩

半夏

三兩湯洗七遍生薑浸一宿熱過

右二味為末調水服方寸匕日三服若輕淺瘡十日出深二十日出終不停住肉中

治金瘡中腹腸出不能內之小麥飲噴瘡方

取小麥五升水九升煮取四升去滓復以綿度縛之使極冷傍含噴之瘡腸自上漸漸入以冷水噴其背不中多人見亦不欲令傍人語又不可病人知或晚未入取病人席四角令病人舉揺頭更陽便自入十日之內不

可飽食頻食而宜少勿使病人驚驚則煞人

治金瘡腸出欲入礞石散方

礞石

三兩

滑石

三兩

右二物下篩理令調曰飲方寸匕日五服夜再服

治金瘡煩悶止煩白芷散方

白芷

二兩

芍藥

二兩

甘草

二兩

右三味熬令變色搗為散水調服方寸匕日五服夜再服
治金瘡先有散右煩悶欲死大小便不通止煩消血解散消
石散方

消石

澤瀉

白斂

芍藥

寒水石

苦薢

已上各一兩

右六味搗篩為散水服方寸匕日夜各一服或未通稍增之
治金瘡不可忍煩疼不得住止痛當歸散方

當歸

甘草

薤白

桂心

木占斯

已上各一兩

右五味合搗篩令調水服半方寸匕日三服夜一服

治金瘡弓弩所中悶絕無所識琥珀散方

琥珀隨多少搗篩以童子小便服之乃熱不過三服便差
治金瘡弓弩所中筋急屈伸不得敗弩散方

乾地黄

十分

乾棗

三枚

杜仲

二分

當歸

如

附子

四分

故敗弩筋

燒灰取五分

右七味合搗篩理令勻溫酒服方寸匕日三服夜一增至三

治金瘡內傷蛇啣散方

蛇啣

甘草

炙

芎藭

白芷

當歸

各一兩

續斷

黃芩

澤蘭

乾薑

桂心

各三分

烏頭

五分

右十二味合搗篩理令勻酒服方寸匕日三服夜一服

治金瘡中筋骨續斷散方

芎藭

二兩

乾地黄

二兩

蛇啣

二兩

當歸

一兩

茯苓

一兩

乾薑三分

續斷兩三

附子三分

漢椒三分桂心三分

人參兩一

甘草兩一

細辛分二

白芷分三

一本用芍藥一兩半

右十四味搗篩理令勻調溫酒服之方寸匕日三服夜一服

治金瘡煩疼麻黃散方

麻黃六分

去節

甘草五分

乾薑分三

附子分三

當歸分三

白芷分三

續斷分三

黃芩分三

芍藥分三

桂心分三

芎藭分三

右十一味搗篩理令勻調溫酒服方寸匕日三服夜一服

治金瘡煩滿疼痛不得眠睡白薇散方

白薇

苦蕒

枳實炒

辛夷去毛

甘草炙

石膏已上各一兩

厚朴分二

酸棗分二

右八味為末調溫酒服方寸匕日三服夜一服

治金瘡去血多虛竭內補當歸散方

當歸分三

芍藥分五

乾薑分三

辛夷去毛

甘草分三

右五味搗篩理令勻調溫酒服方寸匕日三服夜一服
治金瘡去血多虛竭內補荻蓉散方

荻蓉 當歸 甘草炙 芎藭 黃芩 桂心 人參

芍藥 乾薑 吳茱萸 白及 厚朴炙 黃耆各二兩 蜀椒三分出汗

右十四味篩理令勻調溫酒服方寸匕日三服夜一服

治金瘡內塞澤蘭散方

澤蘭 防風 蜀椒去汗目 石膏末 附子炮 乾薑

細辛 辛夷去毛各二兩 芎藭三分 當歸三分 甘草四分

右十一味篩理令勻調溫酒服方寸匕日三夜一服多倍甘

草湯加苦薑二分煩加黃芩二分腹滿氣短加厚朴二分

瘡中血瘀加辛夷一倍

治金瘡內塞黃耆散方

黃耆三兩 芎藭 白芷 當歸 麻黃去節 鹿茸

黃芩

細辛

乾薑

芍藥

續斷

桑白皮

二兩

附子

炮半兩

山茱萸

兩

右十五味搗篩理勻調溫酒服方寸匕日三服夜一服漸可至二匕

治金瘡中茺藥解毒藍子散方

藍子

五合

升麻

八兩

甘草

四兩

王不留行

四兩

右四味搗篩理令勻調冷水服二方寸匕日三夜二及以方寸匕水和勻塗瘡上毒即解去矣

治金瘡大渴內補嬰麥散方

嬰麥

芍藥

當歸

甘草

乾薑

桂心

續斷

厚朴

炙

白斂

蜀椒

去目開口汗

辛夷

去毛

牡蠣

未芍藥

桔梗

乾地黄

防風

各三分

細辛

二分

苦蔓

人參

三分

右十九味搗篩理令勻調溫酒服方寸匕日三夜一或筋

骨斷更加續斷三分

治被打腹中瘀血蒲黃散方

蒲黃升一

當歸兩二

桂心兩二

右三味搗篩理勻調酒服之方寸匕日三夜一不飲酒熟水下

治癰疽金瘡續斷生肌膏方

續斷 乾地黄

細辛

當歸

芎藭

黃耆

通草

芍藥

白芷

牛膝

附子炮

人參

甘草

各二兩

鴈月猪脂四升

右十四味㕮咀諸藥內膏中漬半日微火煎三上候白芷色黃膏即成傳瘡上日四五膏中是猪脂煎

治金瘡癰疽止痛生肌甘菊膏方

茵草

芎藭

甘草炙

防風

黃芩

大戟

已上各一兩

生地黃

四兩

芍藥

一兩半

細辛

大黃

蜀椒

去目閉口汗

杜仲

黃耆

各半兩

白芷

一兩

右十四味咬咀以鴈月猪脂四升微火煎五上下白芷候黃成膏一方添甘菊二兩以傅瘡上日易兩次

治癰疽金瘡生肌膏方

大黃

芍藥

芍藥

黃耆

獨活

當歸

白芷

已上各一兩

薤白

二兩別

生地黃

一兩別

右九味合薤咬咀以猪脂三升煎三上下白芷黃耆成絞去滓用磨之多少隨其意

治金瘡腹內有瘀血烏雞湯方

烏雞

雞一隻

大黃

三兩

細辛

三兩

人參

一兩

甘草

一兩

地黃

三兩

杏仁

一兩去

盲虫

一兩

當歸

二兩

芍藥

一兩

黃芩

一兩

桃人

二兩去

大棗

二十枚

右十三味理烏雞如食法以水二斗煮雞取一斗呋咀諸藥內雞汁中更煮取三升絞去滓通寒溫傷出困甚者初服五合以一日二夕盡湯便應下食之粥慎食他物

烏雞一隻

白芷

麥門冬心去

甘草炙

芍藥

當歸已上各一兩

桂心二兩

瓜練二兩

右八味先理雞如食法以水二斗煮取七升呋咀諸藥內汁中更煮取三升去滓服七合日三夜勿食

治金瘡有瘀血桃核湯方

塵虫

三十枚熱

蜚虫

水蛭

各三十枚熱

桂心分二

大黃

五兩

桃核

五十枚去皮切

右六味酒水各五升呋咀合煮取三升去滓服一升日三服治金瘡驚悸心中滿滿如車所驚恒純心湯方

純心貝

人參

桂心

甘草炙

乾地黄

桔梗

石膏末

芎藭各一兩

當歸二兩

右九味細切剉諸藥㕮咀先以水二斗煮心取汁八升內諸藥煮取一升一服八合一日令盡

治金瘡癰疽生肉膏方

黃耆

細辛

生地黄

蜀椒

去目汗

當歸

芍藥

薤白

芎藭

獨活

菰蓉

白芷

丹參

黃芩

甘草

已上各一兩

臘月猪脂半斤

右十五味㕮咀以苦酒一升合漬諸藥夏一夜冬二夜浸以微火煎三上候苦酒氣成膏用之

治被打腹中瘀血白馬蹄散方

白馬蹄燒令煙盡搗篩溫酒服方寸匕日三夜一亦治

婦人血疾消為水

劉涓子鬼遺方卷第二終

劉涓子鬼遺方卷第三

治強壯熱癰疽大黃湯方

治發癰疽熱結實淡竹葉湯方

治發背發乳癰疽生地黄湯方

治乳癰已服前湯又淡竹葉湯方

治癰疽虛熱生地黄湯方

治癰疽內虛熱大渴黃耆湯方

治背生地黄湯方

治癰疽內虛黃耆湯方

治癰疽五味竹葉湯方

治癰疽發背乳遠志湯方

治發背乳下復住白石脂湯方

治發癰疽取痢竹葉湯方

治發癰疽痢小便竹葉湯方

治發癰疽痢後小竹葉湯方

治發背癰煎味竹葉湯方

治發背已潰白石脂湯方

治發背大去膿汁黃耆湯方

治癰疽內虛生地黃湯方

治發背黃耆湯方

治炎症積實湯方

治腸癰大黃湯方

治背上欲有疔大黃湯方

治婦人妬乳辛夷湯方

治婦人乳結腫黃耆湯方

治癰腫熱盛黃耆湯方

治發癰疽去膿血多內補黃耆湯方

治癰疽去膿多虛滿竹葉湯方

治癰腫增損竹葉湯方

治癰壞後黃耆湯方

治年四十已還強壯常大患熱癰无定處大小便不通大黃湯方

大黃

三兩

梔子

十個

升麻

二兩

黃芩

三兩

芒消

二兩

別

右五味切以水五升煮取二升四合去滓下消絞調分溫三服使痢為度

治發癰疽熱結實大小便不通寒熱已服五痢湯吐出不得下大渴煩悶淡竹葉湯方

淡竹葉

切四升

苦蘆

兩

通草

前胡

升麻

茯苓

黃芩

知母

甘草多

石膏末已上

生地黄兩

芍藥兩一

大黃兩三

黃耆兩三

當歸兩一

人參兩一

右十六味先以水一斗六升煮竹葉去葉取九升內諸藥後煮取三升二合分四服日三夜一使痢便止不必盡湯湯盡不痢便合取痢

治發背發乳四肘有癰疽虛熱大渴生地黄湯方

生地黄兩一

竹葉兩四

黃芩

黃耆

甘草多

茯苓

麥門冬兩三

升麻

前胡

知母

芍藥兩三 苦薢兩四

大棗二十枚

去核

當歸兩一

人參兩一

右十五味先以水一斗五升煮竹葉取一斗去葉內諸藥煮取三升六合分為四服日三夜一

治發背乳癰已服生地黄湯取利後服此淡竹葉湯方

淡竹葉兩四

麥門冬兩三

黃耆

芍藥

乾地黄

生薑

已上各三兩

前胡

黃芩

升麻

遠志

去心

苦蘘

各三兩

大棗

枚十四

當歸

兩

右十三味先以水一斗八升煮竹葉及小麦一斗去滓內

諸藥再煮取三升分溫三分

右諸藥竹葉小麦是麥門冬也是小麦也

治癰疽虛熱生地黄湯方

生地黄

五兩

人參

甘草

黃耆

芍藥

茯苓

各三兩

當歸

芎藭

黃芩

通草

略三兩

大棗

淡竹葉

三升

右十二味先以水二斗煮了水取一斗五升去滓復諸藥

再煮取四升八合一服八合日三夜再能頓服為佳

治癰疽內虛熱渴甚黃耆湯方

生地黄

八兩

竹葉

切成三升

小麦

二升

黃耆

黃芩

前胡

大黃

各三兩

苦蘘

兩

通草

芍藥

升麻

茯苓

甘草

知母

各二兩

人參

當歸

各二兩

右十六味先以水二斗煮竹葉及小麦取一斗二升去滓復煮諸藥取四升分四服日三夜一小便利除通草伏苓加麥門冬腹滿加石膏三兩熱盛去人參當歸治背生地黄湯方

生地黄八兩人參甘草各多芍藥各三兩通草伏苓

黃耆黃芩各三兩淡竹葉切二升大棗十枚當歸各一兩芎藭各一兩

右十二味先以水三斗煮竹葉取一斗去滓內諸藥再煮四升一服八合日三夜再若能每服一升佳

治癰疽內虛黃耆湯方

黃耆人參甘草各多芍藥當歸生薑各三兩

大棗十枚乾地黄二兩扶苓各二兩白朮二兩遠志半兩

右十一味以水一斗三升煮取四升去滓分溫四服

治癰疽五味竹葉湯方

竹葉升二五味子 前胡 當歸 乾地黄 人參各二兩

小麦升二黃耆 黃芩 麥門冬去心生薑各三兩 甘草半兩

升麻兩一大棗十四枚 桂心兩半

右十五味先以水二斗煮竹葉小麦取一斗去滓內諸藥煮取三升分溫四服日三夜一

治癰疽發背乳大去膿後虛憊少氣欲死服此遠志湯方

遠志去心當歸 甘草炙 桂心 芎藭一兩 黃耆

人參 麥門冬去心 茯苓二兩 乾地黄二兩 生薑五兩 棗十四枚

右件十三味以東流水一斗煮取三升二合分溫四服日三夜一

治發背乳下復柱服此白石脂湯方

白石脂四兩 龍骨三兩 當歸 桔梗 女萎 黃連去毛

甘草二兩 白頭翁一兩 乾薑三兩

右九味以水九升煮取三升二合分四服下住便止不必

盡服當下未即來日止

治發癰疽取利熱小便退不用食物竹葉湯方

淡竹葉

切三升

乾地黄

人參

黃芩

前胡

升麻

各二升

生薑

黃耆

芍藥

各三

大棗

十四枚

桂心

遠志

半兩

當歸

兩

甘草

炙

右十六味切先以水一斗八升煮竹葉小麦取一斗去滓

內諸藥又煮取三升分二服羸者分四服日三夜一

治癰疽取下後熱少退小便不利竹葉湯方

淡竹葉

切三升

乾地黄

黃耆

人參

甘草

芍藥

石膏末

通草

升麻

黃芩

前胡

各二升

大棗

十四枚

麦門冬

三兩

右十四味先以水一斗六升煮竹葉小麦取九升去滓內諸

藥煮取三升二合強即分三服羸即四服日三夜一

治癰疽取利後熱小便不利竹葉湯方

竹葉

升三

小麦

人參

黃芩

前胡

芍藥

甘草

乾地黄

當歸

桂心

黃耆

麥明冬

去心

龍骨

三兩

牡蠣

二兩

赤芍

三兩

大棗

十四枚

右十六味以水二斗煮竹葉小麦取一斗去滓內諸藥煮

取四升分四服日三夜一

治發背癰及發乳蕪味竹葉湯下

淡竹葉

升三

小麦

黃耆

黃芩

五味子

人參

前胡

乾地黄

當歸

大棗

麦門冬

二兩

升麻

桂心

甘草

生薑

右十五味以水二斗煮竹葉小麦取一斗去滓內藥煮取

三升分溫三服一日服

治發背已潰而下不住白石脂湯方

白石脂兩四

龍骨兩三

當歸兩二

桔梗兩二

女萎

白頭翁兩各四

黃連兩二

乾薑兩三

右八味以水九升煮取三升三合去滓服八合日三夜一

治發背已潰大膿汁虛憊少氣力內補黃耆湯方

黃耆兩三

乾地黄

人參

茯苓兩各三

當歸

芍藥

芎藭

桂心

遠志兩去心各

甘草兩半

麥門冬兩三去心

生薑兩五

大棗枚十四

右十三味以水一斗煮取三升二合去滓分溫四服日三夜一

治癰疽內虛熱生地黄湯方

生地黄兩五

人參

甘草多

芍藥

茯苓

芎藭

通草

黃芩

當歸兩各二

大棗枚二十

竹葉切三升

右十二味以水三斗煮竹葉取半去滓內諸藥煮取四升

分五服日三夜二能服一升可佳

治發背黃耆湯方

黃耆

黃芩

遠志

麥門冬

去心各二兩 乾地黄

人參

芍藥

甘草炙

芍藥

當歸各二兩

大棗

二十枚

生薑

五兩

雞臍脰二具

勿去皮

桑螵蛸

十四枚炙

右十四味以水一斗先煮取四升五合一服九合日三

服夜一服

治炎症枳實湯方

甘林所秘不得

枳實炙

夜干

升麻

乾地黄

黃芩

前胡

各三兩

犀角

半兩

大黃

半兩

麝香

半兩

一方用甘草二兩

右九味以水九升煮取分溫三服須差也

治腸癰大黃湯癰之為病訖小腹腫痞堅按之則痛或在膀胱左右其色或赤或白色堅大如掌熱小便欬調時色色汗

出時復惡寒其脉遲堅者未成膿也下之當有血脉數膿成不可服此方

大黃

兩四

牡丹

兩三

芥子

升半

消石

兩三

桃人

五十兩去皮炒切之

右五味以水六升五合分為兩服膿下無者下血大良治背上初欲作瘰癧便服此大黃湯方

大黃

兩三

梔子

兩一百枚

升麻

黃芩

甘草

炙三兩

右五味以水九升煮取三升半分為三服得快下數行便止不下更服

治婦人妬乳辛夷湯方

辛夷

去毛升

大棗

枚三十

桂長

一尺

防風

兩二

白朮

甘草

炙一尺

生薑

分二

澤蘭

切升

右八味切以水一斗煮取三升分溫三服

治婦人客熱乳結腫或潰或作癰內補黃耆湯方

黃耆

茯苓各三兩

芍藥二兩

麥門冬三兩 甘草二兩

厚朴一兩

人參三兩

生薑四兩

乾地黄二兩

右九味切以水一斗二分煮取三升分五服日三夜一

治癰腫患熱盛黃耆湯方

黃耆

麥門冬三兩

黃芩六分

梔子十四枚

芍藥三兩

苦蘘二兩

乾地黄二兩

升麻二兩

右八味剉以水一斗煮取三升分溫三服

治發癰疽腫潰去膿多裏有虛熱內補黃耆湯方

黃耆二兩

茯苓

桂心

人參各二兩

麥門冬三兩

甘草六分

生薑四兩

遠志二兩

當歸二兩

五味子四兩

大棗二十枚

右十一味切以水一斗煮取四升分六服日四夜二

治癰去膿多虛滿上氣竹葉湯方

竹葉切二

半夏二兩

甘草二兩

厚朴三兩

小麦二升

生薑五兩

當歸一兩

麥門冬二兩

人參

桂心各一兩

黃芩三兩

右十二味切以水一斗半先煮竹葉小麦取九升去滓又煮諸

藥取二升分溫三服

治癰疽腫煩熱增損竹葉湯方

竹葉一握

當歸

茯苓

人參

前胡

黃芩

桂心

芍藥

甘草三兩

大棗三十枚

小麦一斗

麥門冬一升

心

右十二味切以水一斗六升煮竹葉小麦取一斗一升去

滓內諸藥煮取三升分服日三夜重加黃耆二兩胃中惡

加生薑六兩下者減芍藥黃芩各六分如躰強羸者以意

消息之

治癰疽後補塞去客熱黃耆湯方

黃耆

生薑

石膏末

甘草炙

芍藥

升麻

人參

已上各二兩

知母

茯苓

各一兩

桂心

分六

麥門冬

二兩去心

大棗

十四枚

乾地黄

兩

右十三味切以水一斗二升煮取四升分溫四服日三服一

劉涓子鬼遺方卷第三

劉涓子鬼遺方卷第四

九江黃父癰疽論

釋癰疽色詠

相癰疽知是非灸法

相癰疽知有膿可破法

治癰疽腫松脂帖方

治癰疽腫松脂帖方

治癰疽松脂帖腫方

治癰疽升麻薄極冷方

治癰疽始一二痛猪肝薄方

治癰疽白荻薄方

治癰疽腫熱盛除熱黃耆湯方

治客熱鬱積在內或生癰黃耆湯方

治癰未潰黃耆湯方

治癰內補竹葉湯方

治補度冷下赤石脂湯方

治取冷過寒下溫中湯方

治斷下補胃附子湯方

治癰及惡瘡猪蹄湯洗方

治癰腫壞多汗猪蹄湯方

治肘疽方

治癰最膿增損散方

治癰消膿木占斯方

治發背婦人發房木占斯散方

治諸癰腫未潰嬰麥散方

治瘡食惡肉散方

治癰疽食惡肉散方

治癰疽瓮膏方

治食實青龍膏方

治癰疽金瘡生肌膏方

治癰發壞出膿血黃耆膏方

治癰疽侵淫瘡膏方

治癰疽或如桃核雞子燉熱熨湯方

治癰諸疽十指燉熱豬蹄湯方

治癰疽多汁浸太粉散方

治丹癰疽始發燉熱愉湯方

黃父癰疽論

九江黃父問於岐伯曰余聞腸胃受穀上焦出氣以溫分肉而養骨節通腠理中焦出氣如露注谿谷而燦經脈津液和調變化而赤爲血血和則乘脈先滿乃注經絡經絡皆盈乃注於經絡陰陽已張因息乃行行有經紀周有道理與天合同不得休止切而調之從虛去實寫則不足疾則氣留去虛補實則有餘血氣已調形神乃持余已知血氣平與不平未知癰疽之所從生成敗之時死生之期期有遠近何以度之可知聞乎

岐伯曰經脈流行不止與天同度與地同紀故天宿失度日月薄蝕也經始紀水道流溢草蠹不成五穀不植經路不通民不往來蒼聚邑居別離異處血氣猶然則言其故

夫血脉榮衛周流不休上應星宿下應經數寒客於經絡之中則血泣泣則不通不通則滯之不得復及故癰腫與寒氣化爲熱熱勝則肉腐肉腐則爲膿膿不寫則爛筋筋爛則傷骨骨傷則水髓消不當骨肉不寫筋枯空虛筋骨肌肉不得相親經脈敗漏薰於五藏五藏傷故死矣

黃父曰願聞於癰疽之形與其期曰

歧伯曰略說癰疽極者一十八種癰發於嗑名曰猛疽猛疽不治則化爲膿膿塞其咽半日死其爲者寫則已含豕膏无冷寫三日而已一方无冷食發於頸者名曰天疽其狀癰大而赤黑不急則熱氣下入淵脈腋前傷任脈內薰肝脈十餘日死陽氣大發消腦名曰腦漂其色不樂項痛如刺以藏頭垂心者不治

本作留字

發於肩及臑者名曰雌癰其狀赤黑急

治之此令人什出至足不害五藏

發於腋下赤堅者名曰米疽治之砭石欲細長跡或云陰豕
六膏曰以勿累其疽堅而不潰者馬刀夾纓乃治之

發於背者名曰井疽其狀如大豆三四日起不早治下入腹
不治十日死

發於臆者名曰甘肫其狀如穀實萎苳常寒熱急治之去其
寒十歲死死後膿自出

發於脅者名曰改訾改訾者女子之病也久之其疾大癰膿
治之其中乃有生肉大如赤小豆劉陵翹草陵根各一升水
六升煮之竭為三升即強飲厚衣坐釜上令汗出至足已

發於股陽明名曰股爰疽其狀不甚變而癰膿附骨不急治
四十日死

發於股陰名曰赤施疽不急治六日死在兩股之內不治六
日死一方云十六日死發於尻名曰兌疽其狀赤堅大急急治

之不速治三十日死

發於膝名曰雌疽其狀癰色不寒熱而堅勿破破之死須以手緩柔之乃破

諸疽發於節而相應之者不可治之也

發於陽者百日死

發於陰者四十日死

發於腦名曰菟齧其狀疾赤至胃急治之不治煞人

發於踝名曰走緩其狀癰也急不變灸而止其寒熱不死

發於臆上名曰四淫其狀如癰不急治之百日死

發於足名曰厲疽其狀初小指發急治之去其黑者不輒益

不治百日死

發於足指名曰脫疽其狀赤黑不死治之不衰急漸去之治不去必死矣

夫癰疽者初發始微多不為急此實奇患惟宜速治之急治不苦速成病難救以此致禍能不痛哉具述所懷以悟後賢謹按黃父癰疽論所著緩急之處生死之期如有別癰之形色難易之治如左僧納私撰是用非是先賢恐後高雅故記之名字令惑之耳

發皮突淺腫高之赤即消不治亦愈

發筋突深腫下之堅其色或青或黃白黑或復微熱而赤宜急治之成消中半發附骨者或未覺肉突肉突已殍者癰疽之甚也

凡發背外皮薄為癰皮堅為疽如此者多現先兆宜急治之皮堅甚大者多致禍矣

夫癰壞後有惡突當者以猪蹄湯洗其穢次傳食突膏散惡突盡乃傳生肌膏散乃摩四邊令善突速生當須絕房室慎

風冷勿自勞動須筋脉復常乃可自勞耳不尔新寔易傷則重發便益潰爛慎之慎之

相癰疽知是非可灸法

癰疽之甚未發之兆肥渴為始始發之始或發日直晁似若小瘡或復大痛皆是微候宜善察之欲知是非重按其處是便隱復按四邊比方得失審定之後即灸第一便灸其上二三三百壯又灸四邊一二百壯小者灸四邊中者灸六處大者灸八處壯數處所不患多也亦應即帖即薄令得所即消內服補暖湯散不已服冷藥外即冷薄不已用熱貼貼之法開其口泄熱氣

相癰知有膿可破以未

癰大堅者未有膿半堅薄半有膿當上薄者都有膿便可破之所破之法應在下逆上破之令膿得易出用排針膿深難

見上突厚而生突火針若外不別有膿可當其上數按之內便隱痛者突殃堅者未有膿也按更痛於前者內膿已熟也膿泄去熱氣不尔長速速即不良

治癰疽腫松脂貼方

黃蘗

芎藭

白芷

白斂

黃耆

黃芩

防風

芍藥

茵草

白朮

當歸

大黃各一兩

細辛二兩

脛脂三兩

松脂一斤

右十六味切曝乾極燥微火煎三上下手不得離布綿絞去滓貼之

治癰疽腫松脂貼方

當歸

黃耆

黃連

芍藥

黃芩

大黃

鴈蜜

芎藭各一兩

松脂一斤

脛脂半斤

右十味細切合煎微火三上下膏成綿布絞去滓向火陰

紙上貼之

治癰疽松脂貼腫方

松脂斤一

大黃分三

臘脂兩一

細辛分半

黃芩分半

防風分半

白芷

白斂

芎藭

當歸

芍藥

茵草

黃連

白朮

黃蘗各一分

右一十五味細切曝令極燥先煎脂臈下松脂洋盡內諸藥三上下候色足絞以綿布水中以新竹片上火炙之施紙上貼之此藥大秘實有奇効不妄傳之

治癰疽升麻薄極冷方

升麻

兩一

大黃

兩一

白斂

分六

黃耆

兩一

黃芩

分六

白及

乾者一分

牡蠣

粉二分

龍骨

兩一

甘草

炙二分

芎藭

兩一

右十味篩和以猪膽調塗布傳之癰上燥易之

治癰白斂薄方

白斂

大黃

黃芩 各等分

右三味搗篩和雞子白塗布上薄癰上二煖輒之亦可治
又以三指撮置三升水中煮三沸綿注汁拭腫上數十過
以寒水石沫塗腫上紙覆之煖復易一易輒以煮汁拭之
晝夜二十易之

治癰疽始三日痛微內薄令消猪膽薄方

黃耆

龍骨

青木香

梔子人

羚羊角

乾地黄

升麻

白斂

大黃

黃蘗

黃芩

芎藭

赤小豆

麻黃

黃連

犀角

兩一

右十六味各等分搗篩以猪膽調令如泥以故布開口如
小豆大以泄熱氣

治癰腫熱盛口燥患渴除熱上渴黃耆湯方

黃耆

苦薑

乾地黄

升麻

各二兩

麥門冬

三兩
去心

梔子_{二十枚}

芍藥_{三兩}

黃芩_{半兩}

右八味以水一斗煮取三升分溫三服

治客熱鬱積在內或生瘡黃耆湯方

黃耆_{二兩}

人參_兩

芍藥

當歸

甘草_{炙各一兩}

遠志_{心去}

乾地黄_{各二兩}

大棗_{二十枚}

生薑_{五兩}

麥門冬_{去心五兩}

右十味切以水一斗二升煮取三升分溫三服

治癰未潰黃耆湯方

黃耆_{四兩}

甘草_{炙二兩}

桂心_兩

芍藥

半夏

生薑_{各八兩}

飴_{一斤}

右七味以水七升煮取三升飴化分三服

治癰內補竹葉黃耆湯方

竹葉_{切一兩}

黃耆_{四兩}

甘草_{二兩}

芍藥_{四兩}

黃芩_{一兩}

人參_{二兩}

桂心_{一兩如半兩}

大棗_{十二枚}

乾地黄_{二兩}

升麻_{三兩}

茯苓

生薑各一兩

右十二味以水二斗煮竹葉澄清取九升內諸藥更煮取三升分溫三服

治補度冷下赤石脂湯方

赤石脂

人參

甘草炙

乾薑各二兩

龍骨

碎一兩

附子

大者一枚炮

右六味切以水八升煮取二升半去滓分溫三服如人行十里進一服

治取冷過寒下飴見出溫中湯方

甘草

六分

乾薑

六分

附子

炮去皮六分

蜀椒

二百四十粒去目開口者出汗

右四味切以水六升煮取二升分溫三服

治斷下補胃附子湯方

附子

二分

當歸

人參

黃連

甘草

炙各一兩

乾薑

桂心

芍藥各二

蜀椒去汗目閉
二分

右九味以水五升煮取一升五合去滓分溫二服

及癰瘡及惡瘡有惡肉猪蹄湯洗方

猪蹄

一具能
如食法

白斂

二兩

白芷

二兩

黃連

一兩

狼牙

二兩

芍藥

三兩

黃芩

獨活

大黃

各二兩

右九味以水三斗煮猪蹄一斗五升去蹄內諸藥又煮取

五升洗瘡日四次甚良

治癰疽腫壞多汁猪蹄湯方

猪蹄

一具治
如食法

芎藭

甘草

灸

大黃

黃芩

各二兩

芍藥

三兩

當歸

二兩

右七味先以水斗五升煮蹄取八升去蹄內諸藥更煮取

三升更去滓及溫洗瘡上日三亦可以布內湯中薄瘡腫

上條復之

治肘疽方

黃連

皂莢

各等分炙去皮子

右二味搗下和以淳苦酒調令如泥塗滿肘以綿厚薄之日三易良

治癰疽最膿增損散方

黃耆

五倍之多倍之

小豆

一分熱口乾倍之

芎藭

二分肉末生倍之

白斂

三分有膿瘡不合倍之

苦蔓

三分若小便利倍之

右六味搗篩令細酒調溫服方寸匕日三

治癰消膿木占斯散方

木占斯

桂心

人參

細辛

敗醬

乾薑

厚朴

甘草炙防風

桔梗

已上各一兩

右十味搗篩酒服方寸匕入咽覺流入瘡中若癰及疽亦之不能發壞者可服之瘡未壞去敗醬已發膿內入敗醬

此藥時有化癰疽成水者方正桂為異故兩存焉

治發背及婦人發房并腸癰木占斯方

木占斯 厚朴炙 甘草炙 細辛 苦蘘

防風 乾薑 人參 桔梗 敗醬已去各二兩

右十味搗篩清酒服方寸匕日七夜四以多為善敗醬草名也病在上者當吐在下者當下膿血此謂腸癰之屬也諸病在裏唯服此藥即覺有力及癰疽便即復痛長服治諸瘡及疽痔瘡已潰便即早愈凡俗流醫不知用此藥發背有不善而渴便勤服之若藥力行覺渴心便消散若雖服壞終无苦但晝夜服勿懈也發此藥消散不覺腫去時即愈或長服即去敗醬偏治婦人乳腫諸產疵速愈良又云唯服有異始覺背有不善之也

治諸癰疽已潰未潰瘡中疼痛膿血不絕瞿麥散方

嬰麥

白芷

黃耆

當歸

細辛

芍藥

薏苡人

芎藭

赤小豆末各二兩

右九味先以清酒小豆出於銅器中熬令乾復漬漬後復熬五過止然後治末合搗篩溫酒服方寸匕尽夜各五三日後痛痒者肌肉也又方用苦酒漬小豆多痛倍嬰麥瘡由未開倍白芷多膿倍黃耆薏苡人芍藥等治癰食惡寒散方

藜蘆一分

眞珠一分

石硫黃

雄黃

麝香各三分

馬齒

礬石熱

漆頭

蘆茹各三分

右九味篩搗粉瘡上亦可為膏和傅瘡上治癰疽食惡寒散方

雄黃兩一分

礬石熱一分

蘆茹兩一分

右三味搗篩稍著之隨用多少不限一兩

治癰疽允膏

當歸

芎藭

白芷

松脂 各二兩

烏頭兩

猪脂升

巴豆

去心皮

右七味哎咀內膏中微火合煎三沸已內松脂攪合相得
以綿布絞之去滓以膏著綿絮允頭丈作允允之瘡雖深
淺允之膿就允盡即善肉瘡淺者不足允著瘡中日三惡
肉盡則止

治食寔青膏方

白礬

二兩火煉末之

熟梅

二升

鹽

三合

大錢

二十七枚

右四味於銅器中猛火投之摩滅成末乃和猪脂搗一千
杵以塗瘡上甚痛勿恠此膏食惡寔盡復著可傳蛇啣膏
塗之令善寔復生

治癰疽金瘡生肉膏方

大黃

芍藥

黃耆

獨活

白芷

芎藭

當歸

薤白

生地黃

右九味㕮咀以盛煎猪膏三升煎三上下以綿布絞去滓用兌摩多少隨意常用之

治丹癰疽始發焮熱浸淫長成掄湯方

升麻

黃芩

黃連

大黃

當歸

甘草

芎藭

芒消

羚羊角屑

右九味㕮咀以水一斗三升煮取五升絞去滓鑊中內芒消上火攪令成沸盡滓稍分適冷熱帖帛掄腫上數過其熱隨手消散王練甘林所秘不傳此方

劉涓子鬼遺方卷第四

劉涓子鬼遺方卷第五

治癰疽敗壞生地黄膏方

治癰疽瘡生肌黃耆膏方

治發背乳急痛丹參膏方

治癰疽腫痛堅強不消黃芩膏方

治癰疽止痛鷓鴣脂膏方

治癰疽金瘡續斷膏方

治癰疽金瘡止痛甜竹葉膏方

治癰疽敗壞生肉茵草膏方

治癰疽敗壞膿爛蛇啣膏方

治癰疽食肉膏方

治癰疽食肉大黃膏方

治癰疽食惡肉蘆茹膏方

治癰疽始作硬敗壞膏方

治久病疥癬膏方

治癰疽惡疥癬五黃膏方

治癰疥癬散熱水銀膏方

治面黥炮麝香膏方

治面瘡炮木蘭皮膏方

治瘡炮鸕鷀屎膏方

治髮頽生髮膏方

治婦人乳腫丹參膏方

治疽漏癰疥惡瘡膏方

治頭白頽經年五味子膏方

治久癰疽諸瘡野葛膏方

治丹沙膏三首

赤膏治百病方

治燥疽丹沙膏方

治燥疽麝香膏方

治釘腫芎藭膏方

治燥疽始發丹沙膏方

治風溫病疽諸惡瘡膏方

治癰疥諸惡瘡丹沙膏方

治小兒頭瘡紫草膏方

治小兒熱瘡水銀膏方

治火瘡栢皮膏方

治燥疽浸淫廣大羊髓膏方

治熱毒瘡升麻膏方

治熱瘡生地黃膏方

治諸瘡爛雄黃膏方

治癰疥疽漏水銀膏方

治痲癰瘰癧白芷膏方

治皮膚中熱痲癰白斂膏方

治熱瘡生地黄膏方二

治溫熱諸瘡黃連膏方

治熱瘡蛇床子膏方

治熱瘡木蘭膏方

治熱灸瘡甘草膏方

治諸癰破大去膿黃耆膏方

治癰疽已潰白芷摩膏方

治諸疽瘡膏方

治鼻中塞白芷膏方

治竹木所刺手脚羊屎膏方

治湯淚人肉爛壞木膏方

治火燒爛壞栢皮膏方

治久病癰疽惡瘡蘆茹膏方

治婦人妬乳生瘡雄黃膏方

治惡瘡麝香膏方

治頭瘡骨疽牛屎薰方

治諸傷六物滅盤膏方

治癰疽敗壞生肉地黃膏方

生地黃斤一 辛夷 獨活 當歸 大黃 芍藥

黃耆 薤白 白芷 芍藥 黃芩各二兩 續斷二兩

右十二味切以鴈月猪脂四升微火煎白芷色黃膏成絞

去滓傳曰四

治癰疽瘡生肉黃耆膏方

黃耆 細辛 生地黃 蜀椒去目閉 當歸

芍藥 薤白 白芷 丹參 甘草炙

旋蓉 獨活 黃芩已上各一兩 臈月猪脂一斤半

右十四味細切以苦酒一升二合夏即漬一日冬二夜微火煎三上下酒氣尽成膏傳之極良

治發背乳口已合皮止急痛生肉膏方

丹參 防風 白芷 細辛 芎藭 黃芩 芍藥

甘草炙 黃耆 牛膝 槐子 獨活 當歸

右十三味切以臈月脂五升微火煎三上下白芷黃膏成病上摩向火日三四

治癰腫堅強不消不可用傳貼處黃芩膏方

黃耆 黃芩 芎藭 白斂 防風

苟草 白芷 芍藥 大黃 細辛

當歸 已上各一兩

右十一味㕮咀以猪脂四升微火上煎一沸一下白芷黃即成膏成傳之堅硬者曰可十易

治癰疽止痛生肌鷓鴣脂膏方

松脂兩

芍藥

當歸

芎藭

黃芩各兩

鷓鴣脂兩

白鴈五兩

右七味㕮咀以鴈月猪脂二升二合微火煎一沸一下三十過成以摩於瘡上

治癰疽金瘡續斷生肉膏方

續斷

乾地黄

細辛

當歸

芎藭

黃耆

通草

芍藥

白芷

牛膝

附子炮裂

人參

甘草炙二兩

鴈月猪脂四升

右十四味㕮咀著銅器中下膏諸藥漬之半日微火煎三上下白芷候黃膏成傳之瘡上日四五過良

治癰疽瘡止痛生肉甜竹葉膏方

甜竹葉兩五 生地黃兩四 大戟兩二 臘月脂兩四 當歸

續斷 白芷 茵草 芎藭 防風各二兩

甘草一兩半炙 芍藥一兩半 蜀椒半兩去目 細辛

大黃 杜仲各半兩 黃耆兩二

右十七味咀咀以猪脂微火煎五上下候白芷黃膏成傳瘡上甚良

治癰疽敗壞生肉茵草膏

茵草 當歸 薤白 黃芩 甘草各二兩

生地黃兩五 白芷兩三 大黃兩四 續斷兩一

右九味咀咀以猪脂三升微火煎三沸三上下白芷黃膏

成傳瘡良

治癰疽膿爛并小兒頭瘡牛領馬鞍革及腸中諸惡耳聾痛

風腫脚疼金木水火毒螫所中衆毒皆赤无所不治蛇螫膏方

蛇螫

大戟

大黃

芍藥

附子炮

當歸

獨活

茵草

黃芩

細辛

芎藭

蜀椒

去目閉口汗

薤白

已上各一兩

右十三味咬咀以苦酒漬之淹一夜以猪脂二升半微火煎三上下膏成綿布絞去滓病在內酒下彈元大

治癰疽食實膏方

松脂

五兩

雄黃

研

雌黃

野葛皮

各二兩

猪脂

斤一

漆頭

蘆茹

三兩

巴豆

一百枚去皮膜心

右七味先煎松脂水氣尽下諸藥微火煎三上下膏成絞去滓內雄雌二黃攪調以膏着兌頭內瘡內日方六七勿完煎新故初用病更腫赤但用如節度惡寒尽止勿使過也治癰疽大黃食實膏方

大黃 附子 茵草 芎藭 雄黃 眞珠末 各二兩

白斂 礬石 黃芩 漆頭蘆茹 各二兩 雄黃 一兩

右十一味 㕮咀六物以猪脂一升四合微火煎三上下末
蘆茹下煎成膏中以塗允頭傳瘡中須惡肉尽勿使過也

治癰疽食惡肉蘆茹散方

漆頭蘆茹 礬石 硃黃 雄黃 已上各二分

右四味 搗篩攪令著允頭內瘡口中惡肉尽止勿使過也

治癰疽始作便敗壞發瘡膏方

羊髓 二兩 甘草 二兩 胡粉 五兩 大黃 一兩 猪脂 二升

右五味 切合脂髓煎二物令洋內甘草大黃三上下去滓

內胡粉攪令極調傳瘡日四五上

治久病疥癬惡瘡膏方

丹砂 雄黃 雌黃 乱髮 洗 松脂 白蜜 已上各二兩

蘆茹

漆頭者三兩

巴豆

去心

臘月猪脂二升

右九味先煎亂髮消尽內松脂煎三上下成膏絞去滓末茹內膏中煎撓極調傳瘡上日三易之

治久病疥癬諸惡瘡毒五黃膏方

雌黃

雄黃

黃連

黃蘗

黃芩

青木香

白芷

各二兩

亂髮

一團雞子大

雞舌香

兩

狼跋子四十枚

右十味以苦酒半升漬諸藥一夜以臘月脂三升先煎髮一沸內諸藥三五沸止絞去滓成膏傳瘡上日五易之治病疥癬惡瘡散熱水銀膏方

水銀

礬石

蛇床子

黃連

已上各一兩

右四物兩度篩以臘月猪脂七合和并水銀攪令調打數萬過不見銀膏成傳瘡若膏少益取并小兒瘡良藥蘆茹一兩治面黥皯癬香膏方

麝香二兩

當歸

附子

芎藭

白芷

芍藥

二兩

細辛

二兩

杜衡

二兩

右八味㕮咀以鴈月猪脂一升二合煎諸藥三上下絞去滓別末研麝香安膏中攪令調傳炮上日三易之

治面查炮木蘭膏方

木蘭

防風

白芷

青木香

牛膝

獨活

藁本

當歸

芍藥

杜衡

辛夷

芎藭

細辛

各二兩

麝香

一分

附子

二分炮

右十五味㕮咀諸藥以鴈月猪脂一升微火煎三沸三上下去滓末下攪令調膏成傳炮上日三

治查炮鷓鴣屎膏方

右取鷓鴣屎一升搗篩鴈月猪脂調和傳之

治髮頽生髮白芷膏方

白芷 蔓荊子 附子 防風 芫荽 茵草

細辛 黃芩 當歸 蜀椒各二兩 去口 大黃二兩 半

馬鬣膏五合 此所用多無

右十二味切以臈月猪脂三升合諸藥微火煎三上下白芷色黃膏成洗頭澤髮勿近面

治婦人乳腫痛丹參膏方

丹參 芍藥 各二兩 白芷 二兩

右三味以苦酒漬一夜猪脂六合微火煎三上下膏成傳之治頭白頰瘡髮落生白痴經年不差五味子膏方

五味子 分二 兔絲子 分五 茯苓 分二 雄黃 分一

松脂 分二 蛇床子 遠志 去心各三分 雌黃

白蜜 各一分 雞屎 半

右十味以猪膏一升二合煎先內雌黃次內雞屎次內蜜

次內松脂次內諸藥並先各自末之膏成先以桑灰洗頭後傳之

治疽癰癤諸惡瘡連年不差并小兒頭瘡惡治之膏方

黎蘆 附子 蘆茹 桂心 天雄 蛇床子

野葛皮雄黃 亂髮洗 白芷 半夏洗 礬石

細辛 杏仁 芎藭 芍藥 白朮 烏頭各二兩

黃連 當歸 葉本已上各二兩 班貓 茵草

巴豆去心 黃蘗 具茱萸 蜀椒各一兩去目開口汗

右二十七味以咀以苦酒漬一夜以臈月猪脂四斤微火煎令酒氣尽膏成日四五傳用多妙

治久癰疽諸瘡始葛膏方

治葛皮 黃連 細辛 杏仁 茵草 芍藥

黎蘆 附子 亂髮 蘆茹 芎藭 白芷

蛇床子 桂心 藁本 烏頭 白朮 吳茱萸

雌黃 礬石 天雄 當歸 已上各二兩 斑猫

巴豆 去心 蜀椒 去目汗閉口 黃蘗 各一兩

右二十六味 㕮咀各搗篩以猪脂五升於銅器內微火煎
諸藥七沸七下絞去滓更煎攪勻成膏以傅瘡上日四五
丹砂膏方三首

丹砂 兩五 芎藭 兩三 大黃 兩二 蜀椒 二兩去目汗 白芷 兩二

麝香 兩三 升麻 兩二 冶葛皮 兩二 麻黃 五兩去節 丹參 兩五

巴豆 二升去心 桂心 兩二 附子 枚十二 皂莢 二兩去皮子

右十五味以猪脂六升春夏共用調合在後方消停
又方

丹砂 兩三 芎藭 兩三 大黃 兩二 蜀椒 二兩去目汗 白芷 兩二

麝香 兩六 朮 二兩 附子 枚十二 乾薑 分五 冶葛 兩二

丹參六兩

細辛二兩

巴豆三升

右十三味秋冬共用亦在年中有所宜以意消息藥各搗羅之巴豆細切以苦酒漬一夜量足不須覆之明旦以豬脂成六升鐺中微火煎三上下膏成勿使傍人及雞犬貓見其膏同治共叙此方須是細意事持

又方

丹砂二兩

蜀椒去目開口汗

大黃

白芷

甘草炙已上各二兩

巴豆三升去心

麝香

芎藭各二兩

附子一枚

升麻二兩

治葛皮

犀角

當歸

烏頭各二兩

丹參一斤

右十五味切以苦酒漬之一夜以豬脂六升微火煎三上下膏成絞去滓用之此膏是四時常用日三此方无比

丹砂膏叙治百病傷寒溫毒熱疾服如棗核大一枚 鼻塞取半核大肉鼻中縮氣令人聰裏 若耳聾取如兩棗核大

洋之如水內其耳中三五年聾可差 或寒癖腹滿堅脹及
飛尸惡毒楚痛溫酒服 霍亂當成未成已吐未痢白湯服
棗核大若已痢一兩行而腹煩痛更服之 眼中風膜膜或
痛常下泪取如粟大注眼中自當下止或半目痛便愈
又背背喉頸痛摩足口中亦稍稍令常聞有膏氣人解自有
不同者易為藥當服取利為度老小增減服膏之法得利若
不利如人行十五里可與熱飲發當預作白薄粥令冷若過
利要止者多進冷粥便住若能忍待藥勢尽自止更佳
赤膏治百病方 治病同丹砂膏用之

治葛皮

兩

白芷

兩

蜀椒

二升去目
開口汗

大黃

芎藭

各二兩

巴豆

三升去
皮心

附子

二升

丹參

斤

猪脂

六升

右九味㕮咀以苦酒漬一宿合微火煎三上下白芷黃即
膏成絞去滓用傷寒軌鼻溫酒服如棗核大一枚

賊風癰疽腫身舛惡氣久溫痺骨節疼痛向火摩之 癰疥
諸惡瘡以帛薄之 鼠瘻疽痔下血身舛隱軋痒搔成瘡汁
出馬鞍牛領以藥傳之即愈 腰背手足派腫拘急屈中不
使以膏傳之白三婦人產乳中風及難產服如棗核大并以
膏摩腹立生 如食魚哽日五服愈 如耳聾以膏如小豆
大着耳中 患息肉以膏內鼻中愈 眼齒痛以痛如棗注
眥中白盧醫當童子視以膏如粟注眥愈
治標疽丹砂服膏方

丹砂末

犀角

夜干

大黃

芎藭

麝香末

黃芩

兩

生地黃

兩

升麻

前胡

沉香各三兩

青木香

一兩

右十二味㕮咀以苦酒漬淹一宿以猪脂五升微火煎三
上下絞去滓內丹參麝香末撓調稍稍服之

治燥疽麝香膏方

麝香末

凝水石

黃芩

丹砂末

芎藭

雞舌香

青木香

茵草

升麻

羚羊角

夜干

大黃

羊脂

地黃汁一升

右十四味切以苦酒漬一夜用猪脂六升微火上煎三上

下絞去滓內麝香丹砂末攪令調膏成以摩病上甚良

治丁腫生芎藭膏方

生芎藭汁

丹砂

生地黃

白芷

大黃

麝香末

甘草

當歸

升麻

薤白

右十二味以苦酒漬一夜猪脂五升微火煎三上下

膏成摩於腫上

治燥疽始發未曾治宜速服丹砂膏方

丹砂末

犀角

夜干

生地黃

大黃兩三

升麻兩三

芎藭兩三

麝香兩二

前胡兩三

沉香兩二

黃芩兩三

青木香兩一

右十二味㕮咀以猪脂五升微火煎三上下止絞去滓入

麝香丹砂末攪令調溫酒服如棗核大日三服

治風溫癰疽諸惡瘡經年不差其著背臆背日大不可視之

恐見肺肺隨者皆主之傳當火瀕以意用之丹砂膏方

丹砂末

雄黃末

附子

天雄

乾地黄

大黃

當歸

秦膠各三兩

烏頭

桂心

黃連

松脂

茜苳各四兩

蜀椒一升去目汗

乾薑二兩

巴豆一百枚去皮心

蜈蚣四枚去頭足赤者

石南草二兩

右十八味㕮咀十六味以苦酒一斗漬一夜以猪脂六升

微火煎三上下藥色膏成絞去滓內二石末攪令調傳瘡

有口亦可允瘡口此脂多治合即隨多少苦酒不必尽一斗

以意量用之

治癰疥癬諸惡瘡丹砂膏方

蜀椒

三升去目汗

丹砂

細辛

桂心

各二兩

附子

三十枚

前胡

白芷

各切

芎藭

切

白朮

吳茱萸

各一升

當歸

一兩

右十味㕮咀諸藥唯椒茱萸不搗以苦酒漬一夜令淹以猪脂不中水者十斤細切令諸藥於銅器內煎三上下白芷黃成膏以綿布絞去滓如患風溫腫不消服如彈元大一枚

若鼻塞不通以膏着鼻中 若青盲風目爛背痒痛茫茫不見細物以綿絮裹筋頭注膏中以傳兩背至卧時再傳之齒痛亦如耳聾亦准之諸惡痛皆治之 金瘡牛領馬鞍瘡亦可傳之 治下赤腹中有癰并癰疾在外即摩之在內即服

之如彈元大一枚日三服此膏无所不治

治小兒頭瘡并惡紫草膏方

紫草

三兩

黃連

女青

白芷

各一兩

礬石

三兩燒令汁出

苦酒

五合

生地榆根

一兩

右七味內三味礬石紫草黃連為末入諸藥煎白芷黃膏成傳瘡上

治小兒熱瘡水銀膏方

水銀

二兩

胡粉

分二

松脂

二兩

猪脂

四升

右四味煎松脂水銀氣出下三物攪令不見銀放冷以傅瘡上

治火瘡栢皮膏方

右皮去黑皮用白肉以猪脂少多煎去滓候凝隨意使之治燥疽浸淫廣大赤黑爛壞成瘡羊髓膏方

羊髓二兩

大黃二兩

甘草一兩

胡粉二兩

右四味㕮咀以猪脂二升半并胡粉微火煎三上下絞去滓候冷傳瘡上日四五

治熱毒并結及腫成瘡升麻膏方

升麻三兩

白朮一兩

牡蠣三兩

白芨二兩

白藪二兩

茵草二分

夜干二兩

大黃二兩

黃連二兩

右九味㕮咀以猪脂三升微火煎膏成絞去滓以傳瘡上日四五

治熱瘡生地黃膏方

生地黃

白斂

白芷

黃連

升麻

黃芩

大黃

已上各十兩

右七味㕮咀以猪脂一升半微火煎成膏絞去滓傳瘡日

四五

治惡瘡皆爛雄黃膏方

雄黃

礬石末

黎蘆

當歸

黃連

附子

各二兩

茵草

芎藭

白芨

各一兩

巴豆

六十枚去心皮

右十味㕮咀以猪脂二升微火煎膏成絞去滓內石末攪調傳瘡曰四五

治癰疽瘻水銀膏方

水銀

二兩

胡粉

二兩

松脂

二兩

猪脂

四兩

右四味先煎松脂水氣尽下胡粉攪令水銀尽不見可傳瘡曰三亦治小兒疳熱瘡頭瘡

治疔瘰癧瘡白斂膏方

白斂

三兩

白芷

三兩

芎藭

大黃

黃連

各二兩

當歸

三兩

黃蘗

二兩

豉

八合炒

羊脂

三兩

猪脂

二升

右十味㕮咀以二脂合煎內諸藥微火煎膏成去滓候凝

傳之

治皮膚中熱癰疽瘰癧白斂膏方

白斂

黃連各二兩

生胡粉一兩

右搗篩容脂調和傳之

治熱瘡生地黄膏方

生地黄四兩

黃連四兩

大黃三兩

黃蘗

甘草多

白斂

升麻各二兩

右七味以咀以猪脂二升半微火合煎膏成絞去滓候凝

可傳之

又方治熱瘡生地黄膏方

生地黄四兩

黃連五兩

白斂

芍藥

白芨各二兩

苦參

升麻各三兩

右七味以咀以猪脂二升半內諸藥同熬膏成去滓候凝

傳之

治溫熱諸瘡黃連膏方

黃連

白斂

白芷 各三兩

生胡粉 二兩

右四味細篩用猪脂調塗之

治熱瘡蛇床子膏方

蛇床子 二兩

乾地黄 二兩

苦參 二兩

大黃 二兩

通草 分二

白芷

黃連 二兩

狼牙 分二

右八味搗篩為細末用猪脂以意調和塗之

治熱瘡木蘭膏方

木蘭 二兩

白芷

黃連 各三兩

黃蘗 二兩

芍藥 二兩

梔子 二枚

黃芩 二兩

狼牙 二兩

夜干 二兩

蛇床子 二兩

右十味以猪脂二升合諸藥微火煎膏成去滓塗傳之

治熱瘡黃連膏方

黃連 生胡粉分三 白斂分二 大黃分二 黃蘗分二

右五味為末用猪脂以意調和塗之

治灸瘡甘草膏方

甘草分一 當歸分一 胡粉分二 羊脂分二 猪脂分三

右五味吹咀以猪羊脂并諸藥微火煎成膏絞去滓候凝傳之

治諸癰破後大膿血極虛黃耆膏方

黃耆 附子 白芷 甘草 防風 大黃

當歸 續斷 芍藥 薤白 生地黄 細辛分三

右十二味切以猪脂三升內諸藥微火慢煎候白芷黃色膏成絞去滓候凝塗瘡摩四邊口中日四過

治癰疽已潰白芷摩膏方

白芷分三 甘草分三 烏頭分三 薤白分五 青竹皮大一塊

右五味以猪脂一升合煎候白芷黃膏成絞去滓塗四邊治諸疽瘡膏方

鴈兩

乱髮

礬石

熱各一兩

松脂

二兩

猪脂

四兩

右五味先下脂煎令消下髮髮消下礬石礬石消下松脂松脂消下鴈鴈消膏成瀝過候凝塗傅之

治鼻中塞利鼻白芷膏方

白芷

通草

蕤核

各一兩

黃蘗

二兩

羊髓

八兩

當歸

一分

右六味以清酒煉羊髓三過吹咀諸藥煎膏成絞去滓用小豆大內鼻中曰三

治竹木所刺入手足壯不出膿疼痛羊屎膏方

右取乾羊屎搗篩用猪脂和以塗之瘡口立出

治湯淚人笑爛壞木膏方

木

二兩

附子

二枚大

甘草

二兩

羊脂

五兩

松脂雞子大一塊

猪脂五兩不入水者

右六味微火上煎猪脂後內羊脂并諸藥又煎膏成絞去滓候凝塗瘡上日三

又方

栢樹皮四兩去黑皮

甘草三兩細切

淡竹葉二兩

右三味以不中水猪脂一升二合入藥煎膏成絞去滓塗瘡上日三

又方

麻子一合取人

栢皮一兩取白

白芷一兩

生柳皮一兩去

右四味以咀以脂一升同藥煎膏成濾去滓候凝傅瘡上日三治癰疽疥癬及惡瘡蘆茹膏方

蘆茹三兩去頭者

雄黃

雌黃末各一兩

丹砂一兩研

乱髮半兩洗

右五味搗篩令調煎以先用猪脂二升半煎髮取尽內諸

藥微火更煎候膏成不令他人雞猫犬見傳瘡上日三

治婦人妬乳生瘡雄黃膏方

雌黃 白斂 雄黃 漆頭蘆茹各一 乱髮雞子大

右五味各研搗篩以不中水猪脂二升先煎乱髮令尽下諸藥再微火煎候膏成放凝塗瘡上日三四

治諸惡瘡麝香膏方

麝香 冷石 雄黃 丹砂各五分

右四味各細研如粉以腊月猪脂量其多少調和如塗傅瘡時先用大黃湯放溫洗了淹乾然後塗膏

治頭瘡惡瘡骨疽等牛屎薰方

取苦瓠截除底斷其鼻取牛屎着地上燒以无底瓠籠屎上引煙從瓠空中出以瘡着煙上薰之自然上過三度即除

六物滅癰膏方

衣中白魚 雞屎白 鷹糞白 芍藥

白斂 白蜂等分

右藥研如粉以乳汁和塗癰上日三良

小品滅癰方

雞矢白一兩 辛夷人四分 白附子二分 細辛二分

右四味酒浸一宿以羊脂六合微火煎三上三下去滓傷癰

以甘草湯洗訖塗之一方有桂心二分

又方

鷹屎白一兩研白蜜和塗癰上日三